



Châng Thlan: *Genesis 47:27.*

Chhiar Tûrte: *Genesis 46–50; Tirhkohte 3:25, 26.*

Then 1-na: Zirlâi Tlângpui Thlîrna

Thuhmahruai: Genesis bu tâwp lam hian Israel hnam thlahtu bulte hun tâwp lam, Jakoba leh Josefa te thih thu min hrilh a. Tûnah chuan Jakoba thlahte chu an zavâiin Aigupta ramah sal an ni ta. Genesis bu-a thu hnuhnung ber chu “Aigupta rama kuang” tih a ni a. Chhandamna chanchin hian hlimawm taka tâwpna a nei lo niin a lang a. Nimahsela, Genesis bu tâwp lam bîk hi chu beiseina êng tilangtu a ni ve tlat thung. Pathian mite an nihna anga Israel hnam chanchin chu kâwlkil tâwpah a rawn lang a. Jakoba chhûngte (*Gen. 46:27*) siamtu nambar “sawmsarih” tih hian thlarau lama he mite hnam thlenna tûr chu min kawhbmuh a ni. Jakoba hian a fâpate chu mal a sâwm a (*Gen. 49:1–28*), Israel hnam 12 tih an la nih tûr thu bâkah Israel leh hnam dangte chhandamtu tûr Messia lo kal tûr thu pawh a hrilhlawk bawk a ni (*Gen. 49:10–12*).

Genesis bu-a châng tâwp lama kan hmuh Josefa thih thu hian tlanna lo la thlen tûr thu min kawhbmuh a: chu chu Ram Tiama an kîr leh hun tûr chu nghâkhlel takin an thlîr thu a ni. Chu chuan Genesis bu tîr lam thu, thil siam a nihna leh Eden huan siam a nihna te kha min hriat chhuahtîr a. A sawi tum tak chu, Pathianin thil t̄ha lo chu thil t̄haah a chantîr dâwn tih hi a ni (*Gen. 50:20*). Hei hi Josefana a unauhte hnem nân leh thlamuanna atâna a hman zirlâi chu a ni a. Mahse, chu âi pawha pawimawh

zâwk chu Pathianin khawvêl a chhandamna hmu thei tûra an mit tihmensak a tumna kha a ni (*Gen. 50:20*).

Then 2-na: Zir Zauna

Jakoba Malsâwmna

Jakoba hian a fapate chu ko khâwmin (*Gen. 49:1, 2*) an upat dân indawtin, a upa ber Reubena ațanga țanin mal a sâwm vek a (*Gen. 49:3–27*). Hêng an malsâwmna dawnte hi a nihna takah chuan an hma lam hun lo puang lâwkna a ni (*Gen. 49:1*). Hebrai țawnga “ni nhuhngate chuan” (*Gen. 49:1*) tih an sawina țawngkam, *be’akharit hayyamim*hi Lal Messia lo lan tûr thu leh tâwpna huna chhandamna lo thlen tûr thu sawina atâna hman țin a ni (*Isa. 2:2, Dan. 10:14*). Chuvângin, Jakoba a fate mal a sâwmna pawh hian tâwpna huna thil thleng tûr lam a hawi a ni.

Hei hi Genesis bu-a mi mal ni lovin a huho tute emaw malsâwmna thu puan chhuah a nih dân kan hmuh țum thumna a ni a. Chutiang malsâwmna hmasa ber chu Pathianin Evi leh Adama te mal a sâwm kha niin (*Gen. 1:28*, a pahniha chu Novan a fapa pathumte mal a sâwm kha a ni (*Gen. 9:24–27*)). Jakoban a fapate mal a sâwmna hi Pathianin Evi leh Adama te mal a sâwmna âi kha chuan Novan a fapte mal a sâwmna nêna inzawm hnâi zâwk a, a chhan pawh pâ malsâwmna leh ânchhia a tel ve ve vâng a nih bâkah, an fapate hma lam hun tûr hrilhlâwkna pawh a awm bawk vâng a ni.

Hêng malsâwmna pahnihte hi hun thar ințannaah a rawn lang ve ve a, tin, chi thr lo pianna tûra rahbi hmasa ber kâina a ni ve ve bawk. Chuvâng chuan, Israel-te malsâwm an nihna hian a huap zauvin a huap kim hle a ni. Hêng malsâwmnate hi “Israel hnam sâwm leh hnam hnih” chungchâng sawinain khâr a ni a (*Gen. 49:28*). Hei hi bible-a “hnam sâwm leh hnam hnih” tih sawi lanna hmasa ber a ni nghe nghe. Thil chiang tak chu, Isreal hnam zawng zawngte hma lam hun tûr—an hlawhchhamnate leh an hlawhtlinnate pawh—chu a thlîr tih hi a ni (*Gen. 49:1 nêna khâikhin ang che*).

Messia Lo Kalna

A thumal hmante—”lal tiang,” “dân petu”—hian hrilhlâwknain a sawi hi hnam ni lovin lal zâwk a ni tih a tilang. He châng, Genesis 49:10 hi Balaama hrilhlâwknaah (*Num. 24:17*) pawh kan hmu leh bawk. Balaama hrilhlâwknaa Jakoba atanga lo chhuak arsi a tih hi Jakoba hrilhlâwknaah Juda hnama mi Sakeibaknei nêh hian a inang a. Chu bâkah chuan, he thu hian hun eng emaw chen chhông chu rorêlna a chan tûr thu pawh a sawi tel bawk. Messia lo kalna chu Israel-te chanchinah hian dah a ni a. Nimahsela, “Silova lo kal hma loh chuan” tih thu-a “hma loh” tih ÷awngkam (Hebrai ÷awngin, *‘ad ki*) hian thil eng emaw lo thlen thu mai lo deuh a sawi thung.

Hebrai ÷awnga *‘ad kitih* hian thil eng emaw tâwpna chauh a kâwk kher bîk chuang lo va, a vâwrtâwp a thlenna, a famkimna a lo thlennna a kâwk mah zâwk ÷hîn (*Gen. 26:13, Gen. 41:19*). A awmzia chu, Juda hnam lalna chuan Silova lo kal hunah a vâwrtâwp a thleng dâwn tihna a ni. A dawt leh chângachte pawh hian Messia chu hnam zawng zawng lal a nih tûr thu sawi zui zêl a ni a: “Hnam tiin ama thu an âwih ang” (*Gen. 49:10*).

He rorêltu, hnam tinin a thu an âwih ÷euh tûr hi tu dang ni lovin, Messia ngei a ni tih a chiang a. *Silova* tih thumal hi chu Mi hming chu niin, Juda tih nêh inang reng anga hman a ni. He thumal hi thumal dang, Hebrai ÷awnga “remna” tih an sawina *shalwah* emaw *shalom* emaw nêh pawh a inzawm a (*Sâm 122:7*). Chutiang a nihzia chu hmasâng Juda-te leh Kristiante thuziak tam ber pawh hian a nemnghet bawk.

Juda hnêna Jakoba malsâwman a thu a chham châng hnuhnung pahnihte hian Messia nungchang leh a hna thawh tûr chu a sawi fiah a (*Gen. 49:11, 12*). Hebrai ÷awnga sabengtung tih an sawina thumal hian chuanna atâna an hman ÷hîn sabengtung a kâwk a (*Rorêltute 10:4*). Sabengtung chuan (indonna leh chapona entîrtu sakawr ang lo takin [*Thufingte 21:31*]) remna leh inngaihtlâwmna a entîr.

Lalna leh inphahhniamna tih ÷awngkam hi Zakaria pawhin lo hmang veinin Davida thlah atanga lo chhuak tûr lal chu sabengtung

chungah a rawn chuan tûr thu a lo sawi a (*Zak. 9:9*), ani chuan “tuipui atanga tuipui thlengin, luipui atanga kâwlkil thlengin” ro a rêl ang (*Zak. 9:10*). Hei hian, lal atâna hriak thih, Davida lalthutthlêng luahtu tûr dik tak chu amah a ni tih entîr nâna a pa sabengtunga chuan Solomona min hriat chhuahtîr a (*1 Lalte 1:38–48*). Hetiang chiah hian, Isua pawhin a zirtîrte kha sabengtung no an lo thlurn chu “phelhtîrin” a chuangah a chuang ta a nih kha (*Marka 11:2–11*).

A tehkhin thil dang, “uain” tih leh “hnute tui” tihte hi a rawng a sen/mit leh a vâv/hâ te a ni a, hei hian Ram Tiama awmm tûr nun tam leh remna leh himna a entîr a (*Num. 13:23, 27*). Hlim leh lâwmna famkim an chan tûr thu sawina atâna mit leh hâ tih thumalte a hmang hian Messia din lalramah chuan remna leh nun famkim a awm dâwn a ni tih entîr.

Thil Tha Lo Aţangin Thil Tha

Josefa hnêna Josefa ûte ngaihdam dîl tûra an lo kal khân Josefa chuan anmahni tihnat a tum loh thu a lo hrihl a. A thusawi, “Hlau suh u” (*Gen. 50:19*) tih hi Pathianin Abrahamama thlamuanna atâna a ţawngkam hman tho kha a ni (*Gen. 15:1*). An rilru hah tihzângkhâisakna atân Josefa hian anmahni ang bawka mihring ve tho a nihzia a tilang a: “Pathian âiawh ka ni em ni?” (*Gen. 50:19*) tiin. He ţawngkam chiah chiah hi Jakoba pawhin a lo hmang ve tawh a, a nupui Rakili fa neih a duh thu a hrihl khân, “I rîla rah phal lotu Pathian âiawhtu em ni ka nih?” (*Gen. 30:2*) a ti a nih kha. Amaherawhchu, Josefan a sawi chhan hi chu a danglam a. Jakoba kha chuan a thinrimzia tihlan nêh he thu hi a sawi a nih lâiin Jakoba erawh hi chuan a ûnautê a hmangaihzia leh an rilru hahna chhâwktu atân a sawi a ni ve thung.

Josefa hian rin loh deuha Pathian hming a lam tel chhan chu mihringte ngaihdamnaah hian Pathian ngaihdamna pawh a tel ve a ni tih hriatîr a duh vâng a ni pakhat a. A ûnauten amah an phatsanna kha ngaihdam an neih theihna tûra hmanrua a nih a tih pawh a sawi

bawk: a chung a thil sual tih an rilrûkna kha Pathian chuan thil thaah a chantîr a lo rilrûk zâwk daih nia (*Gen. 50:20*).

A ûnate thil tih, anmahni ngei pawhin thil tha lo a ni tih an hriat chian êm êm kha “mi itam tak nungdama chhanhimna” tûra thil thaah chantîr a ni ta a ni (*Gen. 50:20*). Josefa hian a ûnate ngaihdam hi a châk, nuam a ti a ni mai lo va, inthiam lohna an neih zawng zawng pawh atihkiansak vek a tum bawk, a chhan pawh an thil tih tha lo tak kha thil thaah a lo chan tâk hlahuh vâng a ni. Tûnah chuan Josefa hmâah an din theih tawh bâkah, an hma lam hun pawh huai takin an hmachhawn thei ta bawk a. “Hlâu suh u” (*Gen. 50:21, Gen. 50:19*) tia sawiin anmahni leh an fate mamawh apiang chu phuhrûksak zêl a tum thu a hrih ta a ni.

Khawvêl Chhandamna Chu

Josefa hian kuang tih thumal sawi lang tel lovin ruang phûmna tûra a duh hmun hming a sawi a (*Gen. 49:29*), chutih lâiin Genesis 50:26-ah hi chuan kuang sawi lan a ni a, mahse, phûm a nihna hmun sawi lan a ni lo thung. Josefa ruang hi tawng thei lo tûra sâwngbâwl a ni a; mahse, Ram Tiam luah ve a beisei tlat avângin phûm a ni lo. Chuvâng chuan a thih hunah pawh a ruhte chu phûn tûrin thu a pe lo va. A ruhte chu Kanaan ramah ken chhoh ni se a duh a ni. Chutih chhûng chuan, “Aigupta ramah kuangah” an lo dah rih a (*Gen. 50:26*). Hebrai Bible-ah chuan “kuangah” tih hi *ba'arontih* nin chu chuan Josefa ruang dahna kuang hi leiahu phûm a ni lo tih a tilang.

Chutiang chuan, Genesis bu pawh hi Mosia lehkhabu ziah dangte ang bawkin a hmâwr bâwk a ni a, chu chu: thlân tel lova thihna (*Deut. 34:6*) leh Ram Tiam thlîr reng chung a thihna a ni (*Deut. 34:1–4*). Tin, Genesis bu hi Mosia lehkhabu ziah dangte ang bawkin thil siam thu leh Eden huan chanchin nêna bul tan niin (*Genesis 1, Genesis 2*), Ram Tiam beiseina leh thlân ata thawhleh beiseinain khâr a ni a.

Hei hi tihpalh thil thua lo inang nawlh mai a ni lo. Bible hmun dangah pawh hetiang a bultan dân leh tâwp dân inang hi kan hmu

tam mai a (*entîr nân hêngte hi chhiar la: Isa. 1:2; 66:22, 23; Thuh. 1:1–11; 12:14; Dan. 1:12; 12:13; Joh. 1:1–10; 21:22, 23*), a nihna takah chuan Bible bu pum puiah hmuh tûr a awm chhuak vek zâwk a ni (*Genesis 1, 2; Thup. 22:20*).

Then 3: Nuna Bel Tûr

Jakoba Malsâwmna. Thuthlung Thar zirtîrtu pakhat chuan heti hian a zirlâite hnênah, “Kristian tha tak nih in duh a nih chuan, nangmahnia-a Juda awm kha in tihlum tûr a ni” tiin a sawi a. Chutah zirlâite zînga pakhat chuan, Isua tihlum tûrin min ti amaw?” tiin a zâwt lêt a ni âwm e. Eng tiangin nge Jakobian a fate hnêna malsâwmna thu a chham chhuah hi nangma mi mal nunah i lo lâk luh ve? Jakoba malsâwmnate hi a Juda-nan lâi pawm si lo hian a lo chan ve theih em? Engin nge hêng malsâwmnate hi nangma malsâwmna pawh a lo nih ve theih?

Messia Lo Kalna. Eng tin nge Jakoba hrillhlâwkna hi Isua Kristaah hmehbel theih a nih? In class-ah Messia sawina atâna tehkhin thu hmante hi a rilzia leh hausakzia sawi ho rawh u. “Dân petu” anga Isua sawi a ni hi eng tiangin nge i nunah i hmehbel ang? Eng tiangin nge nunna leh leh remna enfîrtu hâ leh mit tih thute hian Kristian nun i hriat thiam dânah nghawng a neih?

Thil Tha Lo Atingin Thil Tha. Mi tu emawin i chungah thil tha lo tak, nangmah tihnat a tum hrim hrim avânga a tih, mahse, thil tha a lo inher chhuak tâk hlauh si a awm tawh em? Chumi avânga i tawrhna chuan i nungchang siam kawngah eng nge pawimawhna a neih?

Khawvêl Chhandamna. Eng tiangin nge “Seventh-day Adventist” tih hming hian khawvêl leh a chhûnga thil awmte hi Pathianin a siam a ni tih kan rinzia a tihlan? Pathianin khawvêl leh a chhûnga thil awmte hi Pathianin a siam a ni tih kan rinna leh Isua lo kal lehna kan rinna hian eng nge inzawmna a neih?